

廣異記夔州有道士王洪明舌長呼字不正乃日誦道德經  
忽夢道君爲剪其舌既覺語遂正

### 灰袋佯狂麻襦卓越

神仙傳蜀有道士佯狂俗號爲灰袋翟天師之弟子也翟每  
戒其徒勿輕此人吾所不及嘗大雪中布衣褐入青城山暮  
投蘭若求宿僧曰貧僧一衲而已矣天寒如此奈何灰袋曰  
一牀足矣夜半風雪益甚僧意其卒往視之去牀數尺氣如  
蒸炊流汗袒寢未曉不辭而去曾病口瘡數月狀若將死村  
人素神之因爲設齋齋散忽謂眾曰試窺吾口中何物乃張  
口如箕五臟悉露莫不驚異後不知所終

### 道藏輯要

三洞羣仙錄

一區

翼集四

晉逸史麻襦者莫得其姓名石季龍時在魏乞句常著麻襦  
布衣故時人謂之麻襦言語卓越狀如狂者乞得米穀不食  
輒散之頗顯神異與高僧圖澄極爲交友

### 薊驢蟲流王屍泉涌

神仙傳薊子訓嘗駕驢車與諸生俱詣許下道過滎陽止主  
人舍而所駕之驢忽然卒僵蛆蟲流出主遽白之子訓曰乃  
爾乎方安坐飯食畢徐出以杖扣之驢應聲奮起行步如初  
茹亭客話王客者失其名及鄉里常携笻挈籃引一斑犬往  
來邱壑間以採藥爲事天禧戊午歲遊青城山迴臨邱宰師  
仲由召之與語曰吾野人也久居城市頗思歸鄉誠有奉託

宰亦莫諭其意一日獨携笈往國甯寺於寺門下坐卒鄉者聞官瘞之道左師宰聞之曰曩所言斯之謂乎遣吏往彼焚之發其屍顏貌如生四肢皆軟若熟寐焉頃之屍下清泉涌出浮屍而起遂就更衣沐浴以殮之

### 方遠辯慧道華愚濶

高道傳閩邛方遠字大方幼辯慧通經史昭宗累詔不起就錫命服賜號玄同先生羅隱每詣受書先生輒閉目授之曰隱才高識下蓋正容悟物故隱卒保終吉先生一日忽沐浴焚香端坐返真顏色不變異香三日不散時錢武肅夢先生騎鶴訪別明日訃至及就壙但空棺而已

### 道藏輯要

三洞羣仙錄

一

翼集四

又侯道華常如風狂人人多侮之未嘗有愠色好讀丹經子史或問誦此奚爲曰天上無愚濶神仙

### 楊雄墟墓周暢義塚

仙傳拾遺楊雄字子雲口吃善屬文王莽篡位閭理獄使者欲來收雄雄恐不免時校書於天祿閣上自投幾死天鳳中辭疾還蜀卒於家乾符中進士趙郁臥疾於嘉州開元觀稍愈於殿上見一少年敝蓋鶉衣百潔與郁並坐郁因言此觀巨功製作國力興創何乃俯逼殿後而有墟墓也嘗問郡人皆不知少年笑曰此漢相留侯之後辟強之孫天師之祖也爲南安太守歿於郡而葬於此乃說兩漢魏晉間事皆若目